

ხელშეკრულება სახელმწიფო შესყიდვის შესახებ №13
ელექტრონული ტენდერის საშუალებით (CPV-09100000)

ქ. გორი

“ 18 “ თებერვალი” 2020 წ.

წინამდებარე ხელშეკრულება დაიდო ერთი მხრივ ა(ა)იპ „გორის მუნიციპალიტეტის ფეხბურთის კლუბი გორი“, (მის: ქ. გორი, გურამიშვილის ქუჩა №5, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 417874973 (შემდგომში „შემსყიდველი“) და მეორეს მხრივ შ.პ.ს. „გაზ იმპექსი“ (შემდგომში „მიმწოდებელი“) შორის და მიღწეულ იქნა ურთიერთ შეთანხმება შემდეგზე: 2020 წლის ადგილობრივი ბიუჯეტის დაფინანსების ფარგლებში შემსყიდველმა გამოაცხადა **NAT200002328** ელექტრონული ტენდერი აუქციონის გარეშე, კლასიფიკატორის CPV კოდი: **091123000** - ბუნებრივი აირის სახელმწიფო შესყიდვაზე და მიიღო მიმწოდებლისაგან სატენდერო წინადადება შემდეგი პირობებით:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4. "მიმწოდებელი" ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.6. „ტექნიკური დოკუმენტაცია“ - მიმწოდებლის მიერ **NAT200002328** ელექტრონულ ტენდერი აუქციონის გარეშე სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

1.2. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

2. შესყიდვის ობიექტი :

2.1. ხელშეკრულების (შესყიდვის) ობიექტია საავტომობილო საწვავის (შეკუმშული/დაწნეხილი ბუნებრივი აირი) სახელმწიფო შესყიდვა;

2.2 ხელშეკრულებით გათვალისწინებული საქონლის ზუსტი აღწერა, ერთეულის ფასი და რაოდენობა მოცემულია ფასების ცხრილში (დანართი N:1), რომელიც წარმოადგენს ხელშეკრულების განუყოფელ ნაწილს.

3. შესყიდვის ღირებულება და მიწოდების ვადები:

3.1. ხელშეკრულების ღირებულება შეადგენს **5396,17 (ხუთიათასსამასოთხმოდათექვსმეტი ლარი და 17 თეთრი) ლარს.**

3.2. მიმწოდებელი ვალდებულია ხელშეკრულების გაფორმებიდან 2 (ორი) სამუშაო დღის განმავლობაში ტალონური სისტემის მეშვეობით ავტომატურად უზრუნველყოს საწვავით.

4. ხელშეკრულების მოქმედების ვადა

4.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს **2021 წლის 31 იანვრის ჩათვლით.**

5. მომსახურების მიწოდების პირობები

5.1 მიმწოდებელი ვალდებულია ეტაპობრივად, შემსყიდველის კონკრეტული მოთხოვნის შესაბამისად ავტომატურად გაზგასამართ სადგურზე მიყვანისთანავე, ტალონური სისტემის მეშვეობით ავტომატურად უზრუნველყოს საწვავით.

6. წუნდებული მიწოდებული საქონელი:

6.1. მიმწოდებლის მიერ ხელშეკრულებით გათვალისწინებული მიწოდებული შესყიდვის ობიექტი უნდა შეესაბამებოდეს ტექნიკურ დავალებაში აღწერილ მონაცემებს.

6.2. მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 2 (ორი) სამუშაო დღის ვადაში განახორციელოს წუნდებული გაწეული მომსახურების გამოსწორება შემსყიდველის მხრიდან დამატებითი დანახარჯების გაწევის გარეშე;

6.3. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

7. ხელშეკრულების შესრულების კონტროლი

7.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, ა(ა)იპ „გორის მუნიციპალიტეტის ფეხბურთის კლუბ გორი“-ს შესყიდვების სპეციალისტი ავთანდილ ლობჯანიძე

7.2. ინსპექტირების ჯგუფი მომსახურების მიწოდების ინსპექტირებას ახდენს სისტემატიურად, საკუთარი შეხედულებისამებრ.

7.3. კონტროლი ხორციელდება როგორც შუალედური ფორმით-მომსახურების მიწოდების პროცესში, ისე მისი დამთავრების შემდგომ, მიღება-ჩაბარებისას.

7.4. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი საექსპერტო კვლევა.

7.5. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

8. შესყიდვის ობიექტის მიღება-ჩაბარების წესი

8.1. მისაწოდებელი მომსახურება ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. მომსახურების გაწევა ხდება მიღება-ჩაბარების აქტის საფუძველზე, მიწოდების ადგილის მიხედვით, კერძოდ ქ.გორში.

8.2. ამ ხელშეკრულების მიზნებისათვის მიწოდებად არ ითვლება წუნდებული ან ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

8.3. მიღება-ჩაბარებას ახორციელებენ სათანადოდ უფლებამოსილი პირი - ა(ა)იპ გორის მუნიციპალიტეტის ფეხბურთის კლუბ „გორი“-ს შესყიდვების სპეციალისტი ავთანდილ ლობჯანიძე

9. ანგარიშსწორება

9.1. დაფინანსების წყარო - ადგილობრივი ბიუჯეტი.

9.2. მიწოდებული საქონლის ღირებულების ანაზღაურება განხორციელდება საქონლის მიწოდების მომდევნო თვეში, ანგარიშსწორებისათვის საჭირო დოკუმენტაციის (მიღება-ჩაბარების აქტისა და საგადასახადო ანგარიშფაქტურის (დღგ-ს გადამხდელის შემთხვევაში)) წარმოდგენიდან 10 (ათი) სამუშაო დღის ვადაში.

9.3. წინასწარი ანგარიშსწორება (ავანსი) არ გამოიყენება.

9.4. ანგარიშსწორება მოხდება უნაღდო ანგარიშსწორებით ლარში.

9.5. ანგარიშსწორება შემსყიდველის მიერ მოხდება ეტაპობრივად, ფაქტობრივად მოწოდებული მომსახურების მიხედვით. საბოლოო მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 10 სამუშაო დღის ვადაში.თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9.6. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N:12 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

10.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5. ხელშეკრულების ღირებულების შემცირება დასაშვებია ფაქტობრივად მიწოდებული მომსახურების ღირებულების გათვალისწინებით.

10.6. იმ შემთხვევაში, თუ აუცილებელი გახდება ხელშეკრულებით გათვალისწინებული მომსახურების საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული მომსახურების ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

10.7. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

11. ხელშეკრულების პირობების შეუსრულებლობა

11.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

11.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

11.3. თუ მიმწოდებელი 6.2 პუნქტით გათვალისწინებულ დამატებით ვადაში ვერ უზრუნველყოფს ინსპექტირების მიზნით წარმოდგენილი ეგზემპლარების შესაბამისობას ხელშეკრულების პირობებთან, შემსყიდველი შეწყვეტს წინამდებარე ხელშეკრულებას და არაჯეროვანი შესრულებისათვის დააჯარიმებს მიმწოდებელს ხელშეკრულების საერთო თანხის 5%-ის ოდენობით.

11.4. თუ მიმწოდებელი ხელშეკრულებით გათვალისწინებული მომსახურების მიწოდების პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 5%-ის ოდენობით ან

ბ) ხელშეკრულების დანართი N1-ით განსაზღვრული მომსახურების მიწოდების ვადების გადაცილების ან 6.2 პუნქტით განსაზღვრული პირობების დარღვევის შემთხვევაში, მიმწოდებელს ყოველ გადაგადაცილებულ დღეზე დააკისროს პირგასამტეხლო ხელშეკრულების ღირებულების 0.02%-ის ოდენობით.

11.5. თუ კი ხელშეკრულების 11.4. „ბ“ პუნქტით გათვალისწინებული დამატებითი ვადის ფარგლებში პირგასამტეხლოს ოდენობა მიაღწევს ხელშეკრულების საერთო ღირებულების 2% და იგი ვერ განახორციელებს მომსახურების სრულად მიწოდებას, და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი წყვეტს წინამდებარე ხელშეკრულებას და მიმწოდებელი ხელშეკრულების არაჯეროვანი შესრულებისათვის დააჯარიმდება ხელშეკრულების საერთო თანხის 5%-ის ოდენობით.

11.6. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.7. ამ მუხლის 11.6. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს

წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.

14.2. ხელშეკრულება ძალაში შედის ხელმოწერისთანავე.

„შემსყიდველი“	„მიმწოდებელი“
<p>ა(ა)იპ „გორის მუნიციპალიტეტის ფეხბურთის კლუბი გორი“ საიდენტიფიკაციო კოდი: 417874973 მის: ქ. გორი, გურამიშვილის ქუჩა N5 ტელ: 0370 27 08 01; საბანკო რეკვიზიტები: ბანკის სახელმწიფო ხაზინა; ბ/კ TRESGE22</p> <p>ა(ა)იპ „გორის მუნიციპალიტეტის ფეხბურთის კლუბი გორი“-ს დირექტორი</p> <p>გია ისიანი</p>	<p>შ.პ.ს „გაზ იმპექსი“ ს/კ: 205141979 მის: ქ. კანდელაკის ქუჩა N15 ტელ: 595153300 ბანკი: სს „ქართუ ბანკი“ ბანკის კოდი: CRTUGE22 ანგ .№ GE76CR0000000020283602</p> <p>შ.პ.ს. „გაზ იმპექსი“-ს დირექტორი</p> <p>ანდრია ლილუაშვილი</p>

დანართი №1

№	შესყიდვის ობიექტის დასახელება	წარმოშობის ქვეყანა და მწარმოებელი კომპანია	განზ. ერთეული	რაოდ	ერთ.ღირებულება (ლარი)	საერთო ღირებულება (ლარი)	მომსახურების გაწევის ადგილი
1	საავტომობილო საწვავი (შეკუმშული/დაწნეხილი ბუნებრივი აირი	აზერბაიჯანი, სოკარ ჯორჯიაგაზ დისტრიბუშენი	მ3	4030	1,339	5396,17	ქ.გორი, სუხშვილის ქ. №188

„შემსყიდველი“	„მიმწოდებელი“
<p>ა(ა)იპ „გორის მუნიციპალიტეტის ფეხბურთის კლუბი გორი“ საიდენტიფიკაციო კოდი: 417874973 მის: ქ. გორი, გურამიშვილის ქუჩა N5 ტელ: 0370 27 08 01; საბანკო რეკვიზიტები: ბანკის სახელმწიფო ხაზინა; ბ/კ TRESGE22</p> <p>ა(ა)იპ „გორის მუნიციპალიტეტის ფეხბურთის კლუბი გორი“-ს დირექტორი</p> <p>გია ისიანი</p>	<p>შ.პ.ს „გაზ იმპექსი“ ს/კ: 205141979 მის: ქ. კანდელაკის ქუჩა N15 ტელ: 595153300 ბანკი: სს „ქართუ ბანკი“ ბანკის კოდი: CRTUGE22 ანგ .№ GE76CR0000000020283602</p> <p>შ.პ.ს. „გაზ იმპექსი“-ს დირექტორი</p> <p>ანდრია ლილუაშვილი</p>